



Freiburg, Juli 2019

Preziadas engaschadas ella pastoraziun
Preziai engaschai ella pastoraziun
Preziai missiunaris
Preziadas damas e signurs

«**Ei setracta buca mo da migrants**»

Tochen ussa dev'ei la «dumengia dil pievels». Quella ei semidada el «**di dils migrants e dallas migrantas**». Niev ei era che quella dumengia ei gia la davosa dumengia el settember, ils 29-09-2019. Communablamein cun tuttas personas catolicas digl entir mund semussein nus aschia il medem di solidarics cun migrantas e migrants ed urein communablamein per els e cun els.

«**Ei setracta buca mo da migrants**» ei in motto empau extraordinari. Sch'ei setracta buca mo dad els, sche da tgi lu? A moda clara di il messadi pil di dils migrants e dallas migrantas 2019 da Papa Francestg: Ei setracta da Vus e da nus. Ei setracta da scadin e scadina da nus, da nossas temas e da nossas speranzas.

Quei messadi dil Papa ed ulteriur material pil di dils migrants e dallas migrantas anfleis Vus naven da uonn sin la [Website da migratio](#), pertgei nus luvrein – tut el senn dil Papa Francestg – a moda ecologica e persistente. Priu il cass che Vus veis il basegns da survegnir il material a moda stapada, saveis Vus empustar ei tochen ils **15 d'uost 2019** cul formular aschuntau.

Nus lein era far attents Vus ch'ils uestgs svizzers han il zercladur a caschun la lur 324avla radunonza decidiu da prender si il "di dils migrants e dallas migrantas" **ell'entira Svizra ina collecta obligonta**. Gidei che quei provocont intent da quei di anfli gronda atenziun. El ei impurtonts per la societad e la Baselia en Svizra. Da cor engraziein nus persuerter!

✠ Jean-Marie Lovey
Uestg da Sion
President dalla cumissiun Migratio

Karl-Anton Wohlwend
Directur naziunal a.i.